

/մաքսային վճարների գանձման վերաբերյալ/

«07» փետրվարի 2023թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, ուսումնասիրելով ԻԻՀ քաղաքացի Սաեիդ Յուսեֆի Մոհարրամիգարգարիի (անձնագիր՝ V56504811, հասցե՝ ԻԻՀ, Զուլֆայի շրջան, ք.Հադիշահր, Վալիասաբ փողոց, տուն 1) վերաբերյալ վարչական վարույթի նյութերը.

Պ Ա Ր Զ Ե Ց Ի

Թիվ 05100010/240123/001351 տարանցման հայտարարագրով /թիվ 05100010/240123/0006448 ապրանքների հայտարարագիր/ ՀՀ-ից վերաարտահանվող 42320 կգ դիզելային վառելիքից 2020 կգ-ը առանց մաքսային մարմնի գրավոր թույլտվության բեռնաթափվել է, որի արդյունքում ԻԻՀ քաղաքացի Սաեիդ Յուսեֆի Մոհարրամիգարգարին 282 745 ՀՀ դրամի չափով մաքսային վճարները չի վճարել:

Հայաստանի Հանրապետության պետական եկամուտների կոմիտեի Հարավային մաքսատուն-վարչությունում հարուցվել է վարչական վարույթ ԻԻՀ քաղաքացի Սաեիդ Յուսեֆի Մոհարրամիգարգարիի կողմից վճարման ենթակա մաքսային վճարների գանձման նպատակով:

ԻԻՀ քաղաքացի Սաեիդ Յուսեֆի Մոհարրամիգարգարին առձեռն պատշաճ իրազեկվել է սույն գործի քննության անցկացման օրվա, ժամի և վայրի մասին, սակայն չի ներկայացել գործի քննությանը և գրավոր որևէ դիրքորոշում կամ բացատրություն չի ներկայացրել:

ՀՀ Սահմանադրության 60-րդ հոդվածի 8-րդ մասը սահմանում է, որ յուրաքանչյուր ոք պարտավոր է մուծել օրենքին համապատասխան սահմանված հարկեր, տուրքեր, կատարել պետական կամ համայնքային բյուջե մուտքագրվող պարտադիր այլ վճարումներ:

«Մաքսային կարգավորման մասին» ՀՀ օրենքի 58-րդ հոդվածի 1-ին մասի համաձայն մաքսատուրքի, հարկերի, դրանց գծով տույժերի, տոկոսների, հատուկ, հակազնազցման և փոխհատուցման տուրքերի վճարման պարտավորությունը Հայաստանի Հանրապետության օրենսդրությամբ սահմանված կարգով և ժամկետում չկատարվելու դեպքում դրանք բռնագանձումը մաքսային մարմինների կողմից իրականացվում է օրենքով սահմանված կարգով և տարածվում է մաքսատուրք, հարկեր, հատուկ, հակազնազցման և փոխհատուցման տուրքեր:

վճարողի՝ Միության մաքսային օրենսգրքի 68-րդ հոդվածի 2-րդ կետում նշված միջոցների կամ այն ապրանքների վրա, որոնց համար չեն վճարվել այդ մաքսատուրքերը, հարկերը, հատուկ, հակազնագցման և փոխհատուցման տուրքերը:

Հիմքում ունենալով վերոգրյալ իրավակարգավորումների ամբողջությունը և Հայաստանի Հանրապետության պետական եկամուտների կոմիտեի Հարավային մաքսատուն-վարչության մաքսային գործառնությունների բաժնի թիվ 33 մտից համարով զեկուցագիրն ուսումնասիրելով՝ ԻԻՀ քաղաքացի Սաեիդ Յուսեֆի Մոհարրամիգարգարիի պարտավորությունը Հարավային մաքսատուն-վարչությունում կազմում է 282 745 ՀՀ դրամ, որից ներմուծման մաքսատուրք՝ 44357 ՀՀ դրամ, ակցիզային հարկ՝ 28 623 ՀՀ դրամ, ավելացված արժեքի հարկ՝ 192 022 ՀՀ դրամ, բնապահպանական հարկ՝ 17 743 ՀՀ դրամ, որը չվճարելու հիմքով ենթակա է բռնագանձման:

Ելնելով վերոգրյալից և ղեկավարվելով ԵԱՏՄ մաքսային օրենսգրքով, ՀՀ Սահմանադրությամբ, «Մաքսային կարգավորման մասին» ՀՀ օրենքով, «ՀՀ Հարկային օրենսգրքով» և «Վարչարարության հիմունքների և վարչական վարույթի մասին» ՀՀ օրենքի 7-րդ գլխի դրույթներով՝

Ո Ր Ո Շ Ե Ց Ի

1. ԻԻՀ քաղաքացի Սաեիդ Յուսեֆի Մոհարրամիգարգարիից հօգուտ պետական բյուջեի բռնագանձել ընդհանուր **282 745 ՀՀ դրամ**, որից ներմուծման մաքսատուրք՝ **44357 ՀՀ դրամ**, ակցիզային հարկ՝ **28 623 ՀՀ դրամ**, ավելացված արժեքի հարկ՝ **192 022 ՀՀ դրամ**, բնապահպանական հարկ՝ **17 743 ՀՀ դրամ**:

2. Որոշման մասին օրենքով սահմանված կարգով տեղյակ պահել ԻԻՀ քաղաքացի Սաեիդ Յուսեֆի Մոհարրամիգարգարիին:

Սույն որոշմամբ առաջադրված մաքսային վճարների հաշվեհամարներն են.

900005000618՝ ներմուծման մաքսատուրք, 900005040911՝ ակցիզային հարկ, 900005020111՝ ավելացված արժեքի հարկ, 900005017109՝ բնապահպանական հարկ, նշել 30 կողը:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

ՄԾ ԳՆԴԱՊԵՏ

ԱՐՏԱՇԵՍ ՂԱՄԲԱՐՅԱՆ